



't Gezetsje

2019

46^{ste} Oetgaaf

“Gekke krant” veur 't
BEMELER-LAND



Carnavalsvereniging
“De BERGGGEITTE”
Bemelen

'n Letste weurdsje van de Prinses,...

't is bienoa zoewiet. Noe ich dit aan t schrieve bin hub ich nog 'n paar oavende mit de road te goon veur dat ich dan toch ech zal motte aaftreije. Oaw prinsen en prinsessen zigge altijd dat t onvergetelijk is en hiel bijzonder is um mit te make, en doa is gein woord aan gelogen. Misschien is dat zelfs 'n understatement. Ich hub altijd van Carnaval gehouwe en in november begint t dan oach altijd al n bieteke te kriebelen.

'T kriebelde oach toen eind november Remco en Ralph veur m'n deur stoonte, mer dat woar mier van schrik en paniek. Ich wis wel dat ich 't zou wille mer wie zou ich dat allemoal motte regelen? Ein telefoontje mit mam en pap toen Remco en Ralph weg woare, woar genoeg. Mam zei: doeg wat stieg wils deres regele ver wel. Pap, de zenuwechtige van de twie, zei nog wilse dat wel allein? Mer ich had al joa gezag. Der woar neet mie hiel vul tied tot 't oetrope dus alles mos snel weure geregeld, mer gelukkig ging dat allemaal hiel soepel. Jurk, medailles, kruunsje, proclamatie en foto's maken. Langzaam woor ich toch 'n bitteke zenuwachtig. Had ich wel joa motte zigge? De steijs daalijk allein op dat podium.. Neet te veul euver noadeenke zei g tegen mezelf, de kins dr toch niks mie aan veranderen.

En noe, noa 'n top seizoen, bin ich blie dat ich der toen neet te veel euver hub noagedacht en direct joa had gezag. Ich houw t prins zeen bij pap al van kortbij mit gemaak dus ich dacht dat ich wis wat mg te wachten stond, mer 't woar nog zoveul mier dan g gedach houw. En mit zoe unne fantastische road, familie, vrun en vrolluj van de road biste noets allein! Zie hubbe der dan oach veur gezurg dat elke oavend en activiteit 'n fees woar en ich dit noets goon vergeten. Eederein hiel erg bedank!

Liefs, Angelique



WIS GEER DAT?

Wis geer dat:

- Wiel Dreessen, uzze wethouwer, Nederlands langs zittend raadslid is?
- Heer dao neet veul weurd aan voel maak?
- Omdat heer hiel netjes is opgevoed thoese, en altied met twee weurd sjprik?
- Zjus wie bee de presentatie van 't Book van Bemelen?
- Heer zich waal haet laote huure bee de planne veur de nuij trambaan op de zjwarte weeg?
- Veer begriep dat d'r waal un trambaan kump mèt geine tram?
- en dat veer dan nog sjteed te voot of met de fiets motte goon?
- veer 't hiele idee achter de trambaan dan ouch neet sjnappe?
- dat dat net zoe get is es 'n vlegveld zonder vlegtuige....?
- of n parkeerplaats zonder oto's...?

Wis geer dat:

- Dat ze in Valkenburg grote plannen hōbbe um de Wolfstoren bee de Ruine te herbouwen?
- dat zee ongetwiefeld op dat idee zeen gekomme naodat ze ozze tore bee 't kestiël hōbbe gezeen?
- dat dat ongetwiefeld hiel veul geld geit koste dao?
- 't dankzij de joonkheid van Bemele heij in twee daag gepiep waar met 50 appelkiste en 4 kratte Jupiler...
- dat veer in Bemelen met dank aan Wiel Schlösser zelfs 't ganse kestiël hōbbe naogebouwd?
- dat dit bee de keerssjtal in de kerrek te bewoondere waar?
- en geer veur unne euro de Bemelse vlag kos laote wappere?

Wis geer dat:

- D'r ouch planne zeen um eventueel te bouwe of verbouwe bee 't gemeenschapshoes?
- veer os aafvraoge of Jan Kerkhofs dao dan waal genug kiste veur haet?
- 't Krutje afgeloupe jaor al unne nuije zaal haet gebouwd veur 't Krutjefees?
- in de tussetied Ralph de zaal maog gebruuks es garage?
- Dat 't feestterein van 't Krutsje ouch al oetgebreid is met 'n terras op sjtraot?
- en bee good waar de BBQ op sjtraot weurt gezat en geer van harte welkom zeet?



Wis geer dat:

- Tommy en Quincy noe un kuppelke zeen aond e durpstraat?
- 't soms liek of zee op un wolk leve?
- mer dat die wolk op de oprit eigenlijk gewoon kump van de verwerming?
- es heer dao unne café geit beginnen veer veursjtelle um dae dan ouch "café de wolk" te neume, sjus wie vreuger..
- Veer waal sjnappe dat Quincy es kapster Tommy oetgekoze haet?
- umdat zee dach dat ze dan toes neet hoofde te knippe?
- zee toen nog neet wis dat heer op ander plaatse zjwoer behaord waor?

Wis geer dat:

- tijdens 't jubileumjaor het Antonius en Ceciliakoer same haet gezonge?
- veer dat sjiek en un hiel prestatie vinden?
- ze soms al meute genog höbbe um in hun eintsje same te zinge?

Wis geer dat:

- Bemele toch al hiel lang riolering haet?
- Mer Peter Beaujean heij blikbaar nog neet op waor aangesjlote?
- dat eederein dus haet kinne zeen of Peter veul sjiet bee zich haet?
- Wie ze oeteindelijk de riolering wilde aansjlete daobeij meteen un gaasleiding kapotmaakte?
- zee toen dachte WOW, mer neet zeker wiste of de sjtank waal van 't gaaslek kaom?

Wis geer dat:

- De Hoeskamer in bemele zoe 'n succes is dat ze noe ouch deenke euver 'n keuke en 'n badkamer?
- café Roemers sjpeciaal veur de carnaval un apaart schuif mer aan menu haet ?
- na 't succes van veurig jaor geer dao ouch dit jaar weer unne oetsjmieter kint kriege?
- veer bee de kribkeswandeling höbbe gezeen dat Pierre Oberjé gein groete waffel haet, mer waal lekkere?

Wis geer dat:

- de raad van ellef nuij sjpeldsjes haet laote make?
- dat die zich dus ech álles op de mouw laote sjpelle?

Tom van Leeuwen

Oude Akerstraat 30/
6268 ND Bemelen

will1924@planet.nl
0434071852
0641575850




Cafe 't Plateau
SINDS 1896



praktijk voor
mondgezondheid
maastricht

Christel Schlösser
mondhygiënist

Oude Akerstraat 45, 6268 NC Bemelen | +31 (0)6 2816 8509
www.praktijkvoormondgezondheid.nl | info@pvmg.nl

ROEMERS
EETCAFE

UP
STAGE

PODIUM VERHUUR

Dierenkliniek
Bemelen



Van Motman

Staalconstructie • Montage • Installatie

DE GERUCHTEMEULE

Jazeker, auch dit jaor zeen veer weer van de partij (veer weite allein nog neet precies welke...) um dees vastelaovesgezèt op te luustere mèt de nuujste roddels en geruchte. Mèt *feek-njoes*, wie Donald Trump, de president carnavaal van Amerika (dae mèt die oranje muts), dat zow zègke.

Veer zègke leever: mèt nuujts dat mesjiens neet precies gebäörd is wie veer dat opsjrieve, mèh veur 't zelfde geld (of get mieër...) waal zoe gebäörd had kinne zeen, en mèt nuujts dat nog moot gebäöre, en waarsjeinlik auch weer anders geit loupe es dat veer 't noe opsjrieve. Of zoeget...

Miljaar!

Wat waar (en is...) 't ein sukses, dat eige Bemels beer dat de Vogelwerkgroep veurig jaor same mèt de plaatselike horeca-onderneumers haet ontwikkeld veur 'Bemele 1000+'. Binne de kortste kiere waar 't oetverkoch - en opgezoope, neume veer aan - en moos d'r eine twiede drök kome...

Wat veer achter de sjèrreme gehuurd hōbbe, en wat veer uuch noe es primeur kinne prizzentere: d'r zeen inmiddels planne um dat sukses nao te aape en oet te breijje.

Wat veer zeker weite (of toch bienao...): dit jaor weurt 't Bemels assortiment sjterke drank in eeder geval oetgebreid mèt eine eige cognac, beter gezag mèt eine vieux. In 't deepste vertrouuwe is os auch al vertèld onder welke naam dae op de mèrret weurt gebrach: *Verdomme Vieux*. Veer hōbbe gehuurd dat 't nogal 'n sjtraf drènkske sjeint te weure.

Tegeliekertied weurt op 'n ander adres in Bemele druk gewèrrek aan 'ne echte Bemelense Bitter, op basis van veertien kruide (veersj geplök op de hei) volges 'n recept dat sjtrik geheim weurt gehouwe. Es alles volges plan verlup, kint geer nog in de loup van

dit jaor bee Roemers in plaats van eine Jaegermeister of 'n Aelske nao 'n *Nondezjuuke* vraoge (zoe geit 't sjpul heite...). De geruchte dat d'r zelfs al luij bezig zowwe zeen mèt 't oontwikkele van eine echte Bemelense champagne, dae dan oonder 't mèrrek '*Sjit-sjampie*' verkoch zouw goon weure, blieke helaas op 'n misversjtand te beruste. Ze waore dao waal mèt bezig, mèh dat d'n oetveender nao de iersjte sjlok meteen '*sjit!!*' reep, bleek neet op 't mèrrek mèr op de sjmaak te sjloon. 't Sjpul bliek 't bee nader oonderzoek waal good te doen um de haore te wèsje. Mèt de komende Laurentiusmèrret weurt 't noe neet es *Sjit-sjampie* geprizzenteerd, mèh es *Sjit-sjampoo*...

Mesjiens höb geer in de wandelgange - es geer dao tenminste waal ins komp - auch nog gèt opgevange euver *Pumme Pils*, *Lulhannes Limmenaad*, *Zakkewasser Zeipsop*, *Kloete Koffie*, *Tuthola Thee* en ander drènkskes die op dit momint in Bemele gebrouwe of gesjtook weure, mèh geer kint os geluive:

dat is allemaal geloge. Geer wèt toch dat geer veur de betrouwbare geruchte allein mèr bee os terèch kint? Dat waar 'm weer veur dit jaor.



Veer goon os noe iersj get dreinke - es geer 't persee weite wilt: 'n tas orizjinele Bemelense '*Leck mich am Mokka*' (mèt twie kleuntsjes sokker) - en daonao goon veer weer gewoen door mèt 't sjpare van éch gebäörde roddels en geruchte veur volgend jaor.

Tot dan!!



Daot mèt, en weur lezer van 't Carnavalsseizoen 2019 !

Net zoe es eeder jaor organisere veer van de carnavals
vereniging same met d'r Tump weer unne " lezer van 't
jaor" verkeezing of, in os geval, unne " lezer van 't
carnavalsseizoen" Vääöl succes !!



Foto 1

- A. Gepensioneerd journalist fiets met carnaval van Schummert nao Bemele in vol ornaat..
- B. Fietsclub Bemelen deid ouch met met viering 1000 jaor Bemele..
- C. Opening fietsroute "de ouw Trambaan" trek vrèm volk nao Bemele...

Foto 2

- A. Peerdesjtal Bemelen breidt oet met Paardenwasserette.
- B. Preens van de sjoffelploog met scepter weurt ingehaald door Vrij en Blij...
- C. Parkeerplaats veur paerd geopend..





Foto 3

- A. Temptation Weiland in Bemelen
- B. Kiek dao kump d'n optoch...
- C. Jiech zag waal "de kins miech de rugk op, mèr...."

Foto 4

- B. Joonkheid haolt dit jaor mei-den bee de Ikea..
- C. Plan FC Bemelen 2 om de 100 tegetreffers dit jaor tege te goon..
- D. Materiaal zoephut Roy Andriën afgeleverd..



Foto 5

- A. Enthousiast publiek bee optreje Erwin op 't krutjefees...
- B. Slaop Lucske sjlaop, wat beste toch 'n sjaop...
- C. Optreje kale Rasta Rastelli op krutjefees groet succes (heer sjieliep nog sjteeds...)

Foto 6

- A. Stefan Gorissen maak ierste noodlanding in woenwiek...
- B. Wappermoment verkierd begrepe....
- C. Hingt 't 'm noe de vot oet, of hink heer met de vot d'r oet?



Foto 7

- A. Nuije veldknecht FCB trek in vekierde wei de lijne...
- B. Nao vonst kestiel. Is Hugo al weke op zeuk nao ziene kroen...
- C. Hermenie op zeuk nao achtergelaote kleingeld concèrbezoekers...



Foto 8

- A. Is dat nie Car-voor-val, Car-on-val of Car-na-val.
- B. Van alles gebroke, mer de flesj waor nog gans (gelukkig...)
- C. Marcel met z'n Ouw does op de foto....



Foto 9

- A. Groeps blind-date in Bemele
- B. Weentersjportvekansie tegevaller, geine sjnie en de ski's vergete...
- C. Blin veenke polonaise..



Foto 10

- A. Iersjte oud preens gesignaleerd dae geine preens is gewaes en ouch neet oud is,...
- B. Veer waore aan 't kieke op wae heer leek... conclusie: heer liek nurregs op..
- C. El Camilio,...



Foto 11

- A. ...unne hoond met un medaille um gek? Dan höb geer miene scepter nog neet gezeen..
- B. 't is woer: hun goon sjteeds mie op de baas lieke... (hè Louk?)
- C. Dit is Quin (neet te verwarre met Quincy...)





Foto 12

- A. Voedselbank Bemelen groet succes..
- B. ..ein met kies en ein met sjeenk essebleef....
- C. ...veur d'n hoond? Geer höb toch gaar geine hoond?

Foto 13

- A. Eddie en Lambèr monteree leegknop zoedat de letste 't leeg kin oetdoen.
- B. Repetitie "paoldanse veur manne op laeftied"..
- C. Nuij in 2019: terrasverwarming veur langs d'n optoch..



Foto 14

- A. Nau tuune, noe ouch cursus watertrapelle VWB Bemele..
- B. Wéér geine elfsjtedetocht in Bemele. Rayonhoofde keure 't iesj neet good..
- C. VWB (Vusj Werkgroep Bemele) op zeuk nao hieringe veur asgoonsdig...




'T IS BEE DE WIL VÈRKES AAF...

De Vèrkesveiling – veer hauwwe wille zègke: de traditionele vèrkesveiling, mèr maogste twie kier al 'n traditie neume? – bee Roemers op de daag van Sint Theunis, de winterkèrmis, haet auch dit jaor weer 'n aardig bedrag opgebrach veurt 't gooie doel. D'r ginge weer fleenk gèt kuuzje en kuusjkes oonder de hamer, veural sjpaarvèrkes (laeg, netuurlik...) en d'r woord weer tamelik graof mèt geld gsjmete. Wie zich dat veur 't gooie doel huurt... Mèh behauve bee de luij van Bemele is de Vèrkesveiling noe auch aangesjlage bee de wil vèrkes. Die hōbbe gezeen wiewäöl geld 'n fleenk wil vèrreke kint opbreenge, en noe wille ze allemaol mètdoen. Umdat de veilingmeister van Bemele haet besjloote daat heer maximaal één vèrreke aan kint – zien sjtúm sjleit anders euver... - probere zee noe veur de veiling van komend jaor allemaol veuraan in de reij te sjtoon. Want wae 't iersjte keump...

Inmiddels zeen de wil vèrkes al opgeruk tot op 't Gehuch, woe ze zoe ongevaer alle tuine hōbbe umgegrave. Ach ja, de bès 'n verreke, de moos nog 'n jaor wachte op de volgende veiling, en de wils waal ins gèt, dus wat deis-te dan: de maaks d'r unne vèrkessjtal van. Dao zeen ze op 't Gehuch neet zoe gelökkig mèt. Anders gezag: ze veende dao neet dat ze gezjwijn d hōbbe...

Sommige luij in Beemele deenke dat 't oprukke van die wil vèrkes gaaroet niks mèt de Vèrkesveiling te make haet. Zee hōbbe 'n gans ander theorie, mèr die wilde ze allein anoniem aan ós vertèlle. *“Wil vèrrekes zeen gek op eikels. Dus 't zouw good kinne zeen dat die vèrrekes allein mèr massaal nao Bemele koome umdat dao vāöl eikels zeen”*, zag eine van hun. Veur alle zekerheid: de redaksie van dees gezèt is 't dao neet mèt ins... Veur hōbbe oet Mestreech ummers nog gein klachte gehuurd euver vāöl vèrrekes, en es ze ùrreges gein gebrek aan eikels hubbe....



*'n klaverje veer, iech deenk
dat veer gelök hōbbe op de
verrekesjach vandaag.*



Verrekde Verrekes, iech bin St. Teunis neet (iech liek d'r waal op..)

Wae hellup miech?, wae?, eenmaal, andermaal.... hellup !!

C.V. de Berggeitte

Carnaval

Agenda 2019

9-2-2019 Grote zitting/Prinsenproclamatie 19:44
Za Groete Geittesjtal (Gemeenschapshuis)

10-2-2019 Foto's ophangen 15:00 uur
Zo Café Roemer's en Café 't Plateau

24-2-2019 Kinder / Springmiddag
Zo Café 't Plateau

2-3-2019 Prins/Prinsessenbal 20:11 uur
Za Café Roemers

5-3-2019 Grote optocht Bemelen 12:11 uur
Di Café 't Plateau
Groete Geittesjtal (Gemeenschapshuis)

6-3-2019 Hierungbieste (nao de aovendmis)
Wo Café Roemers

Geer komt toch zeker ouch?



WIS GEER DAT? (deel 2)

Wis geer dat:


- D'r in het Weike in Bemele behalve buim ouch blomme komme, en sruukskes veur de bijje?
- Roy haet aangegeven dat heer vanalles gehuurd haet euver de blomme en de bijje en dat heer daorum de bijje veurleupig get weijer van hoes wil houwe...
- Dat Roy waal van e kippeke hêlt?
- mèt dat unne buizerd dao t zelfde euver dach?
- dae de kippekes van Roy haet opgegete?
- En Sjef van Corte dat op de camera haet vastgelag?
- ..veer os waal aafvraoge of Sjef soms de ganse daag die kippekes aan 't filme waar?

Wis geer dat:

- Stefan Gorissen noe eindelijk aan de sjlaag geit es piloot van eéch vliegmessjien?
- veer us noe die ongerustheid van de actiegroep tege 't vlegveld Beek wel veur kinne sjtelle?
- mer dat Jos en Hannie us gerus hōbbe gesjteld umdat heer in Italië geit vleege?
- veer Jos en Hannie geluive nao hun geluifwaardig tv optreije aafgeloupe jaor?
- Veer Jos hōbbe gevraog of die zich noe eedere daag ligke te puune zoe met al dae mistletoe??
- dat dat waal metveel volges Jos, "ze numme 't neet veur niks af en tou ouch Heksesjeut" aldus Jos...

Wis geer dat:

- Prinses Angelique dit jaor unne stalker houw?
- Dat dat, sjus wie in sprookjes unne echte preens oet Oesj waar?
- Dat dae weliswaar neet op 'n wit peerd zoat mer dat dae waal zoe gek waar wie e peerd?
- Dat dae zelfs bee de sjoenpap e wit veutsje probeerde te hole?
- Mer dat Marcel de aafgeloupe carnaval aan éin wit bein mier es genug how?



Rodger? Rodger?, niks Rodger..
dit is Stefan.. oet Bemele

- Dat de fotograaf op de zitting veurig jaor néét genog how aan eine gebroke erm en twie daag later met twie gipse erm euverein zaot?
- Zoedat dae veurige carnaval mie röntgen es gewoene foto's haet gemaak?
- en dae dit jaor dus neet mie veurop en achtersteveure de polonaise lup?

Wis geer dat:

- Emile Janssen de nuije kapitein van de joonkheid is?
- Veer dan ouch unne éxtra groete (jubileum) den verwachte dit jaor? Mét top? En werkende verleechting?
- Heer same met de andere gaste van de FC Bemele dit jaor op trainingscamp nao Mallorca goon?
- Dat zee dao waarsjijnlijk allein mer goon zoepe?
- ..dat zee dao noe net gein training veur nudig höbbe?
- Veer os aafvraoge of Max Defesche met geit nao Mallorca?
- Umdat dae 't veul te druk haet met z'n nuij hoes in Bemele?
- ze Max daarom noe al Bollen neume en dat dat niks met ziene umfang te make haet?
- Veer ouch benuijd zeen wienie Didier noe begint met bouwe?
- veer zeen dat de garage achter in de tuin al klaor is?

Wis geer dat:

- sinds de camping weg is d'r noe 'n standplaats gemaak is veur campers in de Sleetelweeg?
- dao in verband met parkere waal mer plaats is veur éine camper?
- Dat de zoepnaze bee elkaar zeen gekomme veur e optrede tijdes de verrekes veiling?
- Dat verrekdes good ging en kloont?
- Zoedat Bemels keteerke noe al extra repetities haet ingelas?

Wis geer dat:

- Ze in de kom zoe oonder de indruk waore van de dorpsbrunch dat ze spontaan ouch zelf un dorpsfeest goon organisere?
- 't dit jaor nog allein e klein teufelke en unne platesjperer waar mer volgend jaor fleenk oetgepak geit weure?

Wis geer dat?, wist geer dat ech allemaal?

Dan wis geer mie es os want veer weite noe ff niks mie...

van Gregor
interieur & verbouwing

www.vangregor.nl
06-15423216

METAALDRAAIERIJ
LAMBERT THOMASSEN

Lambert Thomassen Draai- en freeswerk
Revisie van machineonderdelen

De Steeg 6 Telefoon: +31(0)43-407266
6266 NK Bomen Mobiel: +31(0)6-11485457
Email: lemthomassen@home.nl



Thomassen
Plant Protection



Hotel ***
Bergrüst
Brasserie

DE MEEST COMPLETE DIERENSPECIAALZAAK!

Conjont's
huis-, tuin-, diervoeder en benodigdheden
werk-, veiligheidskleding en veiligheidsschoenen

Rijksweg 46
Mesbergweg 1
6325 BZ Berg en Terblijt
Tel. 043-604 17 43
Fax 043-604 20 69



H. & R. Andriën
Landschapsonderhoud, Loonwerk



BAKKERIJ
De Lekkerbek
Gebr. Mingels

www.bakkerijlekkerbek.nl

JID ELECTRO
DUYCKERS BV

- VOOR AL UW ELECTRISCHE INSTALLATIES •
- ONTWERP • AANLEG • SERVICE • ONDERHOUD
- 24-UURS SERVICE DIENST •

Molensingel 69 • 6229 PC Maastricht • W www.duyckers.nl
• T 043-3652210 • F 043-3652505 • E electro@duyckers.nl

De kopere kromme

De groete carnavalsorde van de Kopere Kromme, de ondersjeiing veur groete verdeenste veur de gemeinsjap Bemele en umsjtreke, weurt dit jaor towgekind aan:



De Joonkheid Bemele.

Umdat zee dit jaor 30 jao besjtaon (en daomet eigelik langzamerhand un Oudheid weure), en neet weg te deenke zeen oet Bemele. Zee sjtoon altied paraat um te helpe of organisere zelf un geweldig feeske. De toukomst van us durrep, en... zonder joonkheid geine den netuurlik...

D'r Tump

Hét maondblaad veur en van Bemele. Ouch d'r Tump is jeurig en zuut Abraham dit jaor.. 50 x 12 oetgaves, dat zeen 600 Tumps vol met kerk, familie en vereinigingsnuijts. 50 jaor en heer kump nog eedere maand..

't Gemeinsjapshoes

..en de letste jeurige, ouch al 50 jaor 't middelpunt vaan bemele: de zaal, zoe 's t gemeinsjapshoes ouch waal geneumd weurt, of "de groete Geitesjtal" (neet te verwarre met de groete Peerdesjtal) zoe es 't gemeenschapshoes met carnaval weurt geneumd. Ouch al 50 jaor herinneringe aan sjoen feeskes, repetities en oetveuringe, toneel, vergaderinge, broelofte, koffietaofels en gym...

Veer weense uch proficiat met eure verjeurdig én met de kopere kromme !!

Buimke vaege...

't waar eve sjrikke op de bemelerberg,...
d'r steit geine boum mie rech en de Bemelerberg is
umgetoverd in un soort kale vlakke. En dit alles zoonder
sjlaag of sjtoet. En zoonder ruchtbaarheid....

De redactie van 't gezetsje is op oonderzoek gegange nao
wat heij aan de hand waar en kaom 'n aantal hiel
opmerkelikke zake tege.

De officiële verklaring bliek te zeen dat de buim krank
waore, en met name de Es. Dat zou tot gevierlikke situaties
kinne leide: es d'r unne tak zouw valle, es andere buim
ouch krank zouwe weure, es unne boum euver de weeg
zouw valle,.. Tja es dat zoe is dan sjnappe veer 't waal mer
oet oonderzoek blieke d'r ouch ander buim umgezaag te
zeen. Veer zeen inmiddels door het gebrek aan buim 't bosj
neet mie.

Is d'r heij sjprake van 'n complot?

't haet in eeder geval al geleid tot versjillende
paniekreacties oonder de bevolking. Zoe höbbe versjillende
dursbewoeners inmiddels zelf ouch al de zaag ter hand
genomme oet angst veur de Es-ziekte... Zoe is de tuin neve
café Roemers al gans umgezaeg en zeen ouch de buim aan
de euverkant vande weeg bee Didier al oet veurzurg
gerooid. Zelfs de joonkheid haet al planne gemaak um de
meiden binnekort weer um te zaege. En bee café Roemers
weurt noe eedere maondig door 'n groep verontruste
cafébezoekers buimke gevaeg.

D'r geit echter un hardnekkig geruch roond dat dit mer 'n
smoesje is en dat de bosj mos wieke in verband met 't lieg
euverkomend vliegverkier vanoet vlegveld Beek. Die
zouwe last höbbe van de hoeg buim bee 't opsjtijge. Dat
höbbe ze sjtil wille houwe umdat zee bang waore veur
verontruste plateaubewoners die zich vast zouwe ketenen



Eigelijk maog ste d'r neet met sjpotte,....

Mer de Bemerberg is zoe waal 'n (Vleegtuig) sjpotter paradies..

aan de zaagmachines of zich in 'n boumhut zouwe versjuilen in 'n ultieme poging um 't bosj te redde.

Wie dan ouch, 't leid is geleije...

Alle buim ligke um en op dit moment haet Yvonne van hotel Bergrust unne flinke bosj hout veur de deur.

Mer behalve dat Louk dat neet erg vindt zou Louk Louk neet zeen es heer ouch heij weer de positieve kant van in zou zeen. Zoe höbbe veer vernomme dat heer op dit moment bezig is um de naam van hotel Bergrust te verandere in Bergzicht noe heer vanaaf 't terras de berg weer kin zeen ligke. Heer haet zelfs al n onderhands bod gedoon op 't bord van jeu de Boules Bergzicht. De jeu de boules club zou dan, zeker gezeen de gemiddelde laeftied, es Bergrust weier kinne.

De open helling op de slingerberg zou dan in de weentermaonden in gebruik genomme kinne weure es ski-helling met un kabelbaan nao de blokhut oonderaan de Bemelerberg.

Gelukkig zeen d'r ouch luj die 't initiatef höbbe genomme om 't gemus aan al die buim op te vange door nuij buim te plante. Dat zal goon gebeure bee 't voetbalveld in 't weike. In de Keersewei zulle heij weer échte keersebuim geplant weure (en appele en proeme). Gekoze is veur Hoegstam buim mer oud veur half en liegstam, dit letste sjpeciaal veur de keender en de kromme zoedat die ouch kinne plukke.

Volges planning zulle op Boomplantdag de ierste buim de grond in goon. Mer wilt geer ierder e buimpe opzette dan juiche veur dat netuurlik toe. Veer höbbe dat veul leever dan luj die blieve doorzage..



10 YEAR CHALLENGE

Geer h b ongetwiefeld gehuurd van de 10 year challenge van Facebook, oftewaal de vraog boe geit de tied naotouw.. Veur mama's en papa's is dit de "wat waar 't toch e knap kinneke" challenge, veur os es carnavalsgezet liek 't mier op de "draank maak mie kepot dan diech leef is" Challenge. Ok, 't is messjien e jeurke mie dan 10 jaor, mer toch..

2009-



2019



2009-




2019



Doot geer ouch met met de challenge? Veer zeen euch foto;s gaer versijjne op facebook !!

VUURLOOP

SUCCES • GELUK • VERTROUWEN • LIEFDE • KRACHT • GEZONDHEID • VERBINDEN • HARMONIE • ACTIE



Doe mee en ervaar. Loop of dans samen met Firewalk Master **TOMMY V.L.** over het vuur!

Meer informatie via **de Joonkheid van Bemelen**

Voor alle data en aanvragen www.joonkheidbemelen.nl

ARCHEOLOGE: BEMELE IS BEZEUNDER BEZEUNDER

Neet allein bezeunder, mèt bezeunder bezeunder.

Dat konkludere de archeologe van de Rieksdeens veur Alles Oonder de Groond (RAOG) nao 't besjtudere van 't eindrapport van 't oonderzoek nao 't kestiel van Bemele. Dao-oet blik zonneklaor dat 't kestiel van Bemele neet waar wie altied woord gedach...

De redaksie van dees gezèt haw 't gelök dat ze de leider van 't oonderzoek, professor dokter ingenieur G.E.K. Kesjöp, hoege lieraar in alles van vreuger aan de Universiteit van Zuzate, veur 'n eksklusief intervjoew wis te sjtrikke.

Menier Sjöp, kint geer ós oetlègke wat geer bee dat oonderzoek op 't Gehuch precies hób aangetroffe?

"Um te beginne: de naam is neet Sjöp mèt Kesjöp, mèt Ke- van vöore en sjöp van achtere. Anders zouw 't mèt gek kleenke... En um uuch vraag te beantwoorde: veer hóbbe dao vööl mieër gevoonde es woe veer nao gezeuk hóbbe. Mèt dat kaom umdat veer neet wist woe veer 't mooste zeuke. Dus zeen ver mèt gewoen begos, want wae zeuk zal veende. En zo hóbbe veer 't gevoonde. Allein wist veer iers neet wat veer mooste veende van wat veer gevoonde hauwwe. Mèt wie veer dat einmaal good oetgezeuk hawwe, voonde veer 't toch waal hiel bezeunder. Geluif iech."

Menier Sjöpke, dat kleenk allemaal hiel interessant, mèt kint geer auch oetlègke wát geer noe precies gevoonde hób nao al dat zeuke?

"Um te beginne: de naam is neet Sjöpke mèt Kesjöp, mèt Ke- van vöore en zonder -ke van achtere. Anders zouw 't mèt gek kleenke... En um uuch vraag te beantwoorde: sjtein. Vööl sjtein. Vööl auw sjtein. Deep oonder de groond.

Gein idee wae ze dao begrave haet, mèt 't is duudelik dat 't um 'n geval van illegaal gsjtort bouwaafval geit. En dat moot al doezend jaor gelije gebäörd zeen.

Hiel interessant! Want daan is dit 't auwtste illegale sjtort van Nederland, mesjins waal van Europa. Geluif iech."

Menier Sjöppe-Aos, kint 't mesjiens zeen dat geer uuch vergis? Veer höbbe oet betrowbare bron vernome dat die sjtein de euverbliefsele zeen van 't vreugere kestiel van Bemele. Klop dat dan neet?

"Um te beginne: de naam is neet Sjöppe-Aos mèr Kesjöp, mèt Ke- van vääre en zoonder Aos van achtere. Of mesjiens waal Sjöppe-Hier. Dat moot iech sjtraks mèr ins opzeuke. En um uuch vraag te beantwoorde: Jazeker klopt dat. Mèr dat kestiel waar zoonder vergunning gebouwd, dus zitte die sjtein noe auch zoonder vergunning in de grond. Illegaal, dus. Dao sjteit 'n fleenke boete op. Es veer die mèt trùgkwèrkende krach moote inne, dan deenk iech dat dao 'n rekening van tiendoezende euro's aan vas hingk. Mèr good, dan moote veer iersj kinne achterhole wae d'n dader is."

Menier Opsjöpper, waore dat neet gewoen de Hiere van Bemele? Die höbbe 't kestiel vreuger gebouwd, en die höbbe d'r auch gewoend.

"Um te beginne: de naam is neet Opsjöpper mèr Kesjöp, mèt Ke- van vääre in plaats van Op-, en gein -per d'r achter, zelfs neet per oongeluk. Anders zouw 't mèr gek kleenke... En um uuch vraag te beantwoorde: Altied dat gezeiver euver de Hiere van Bemele... Wat moote de Dames van Bemele daarvan deenke? Die höbbe heij toch auch gewoend? Geer maog neet diskriminere, huur!"

Menier Kesjöp, zouw 't neet zoe kinne zeen dat 't allemaal de sjuld is van die van Mestreech? Die höbbe 't kestiel van Bemele miër es viefhoonderd jaor geleije plat gegoeid. Mesjiens höbbe ze de boel daonao gewoen neet netjes opgeruimp?

"Um te beginne: de naam is neet Kesjöp, mèr... Wach eve... Iech heit wáál Kesjöp, toch? Geer bringk miech hielemaol van miene aproopoo. Mèr um uuch vraag te beantwoorde: geer zouwt dao waal ins geliek in kinne höbbe. Es veer 't merkwaardig gedraag van de Mestreechter sjtam van de MVV-supportere op vandaag bekieke, dan sjprik dao 'n krachtige neiging oet um bee tegesjlaag geine sjtein op de andere te laote sjtoon. En de getrapde rotzooi opruime? Hoo, mèr... Dat kin hiel good 'n kwestie van erfelikke veurbelasting zeen. Dat hun veur-auwwers dat viefhoonderd jaor geleije auch al deege, dus..."


**Menier Gekke Sjöp, zouwwe veer de rekening dan mesjiens
nao Mestreechkinne sjture, en dat geld gebruuke um 't
kestiel van Bemele weer op te
bouwwe?**

"Um te beginne: de naam is neet Gekke Sjöp mèr Kesjöp, neet gek van vääre en auch neet van achtere... En um uuch vraog te beantwoorde: Geer zouwt dat kinne probere, mèr Sjenge zeen nogal op de cente... Mestreech haet 't noets breid gehad, mèr altied laaaaaang... En mèt 'n haffel fruitkiste is 't uuch aafgeloupe jaor toch auch gelök um dat kestiël op te bouwwe? Iech zow zegke: laot uuch neet kiste! En die sjtein? Zand d'r euver... Wat zegk geer? D'r ligk noe auch al zand op? Rustig laot ligke, zoww iech zegke... Dan kin d'r auch geine euver valle...

**Menier Sjöpke, maoge veer uuch van harte danke veur dit
intervjoew? Veer zeen waal geine sjlaag wijzer gewoore,
mèr de pagina is tenminste vol...**

"Um te beginne: de naam is... Iech weit neet mie wat de naam is, geluif iech. Mesjiens maog 't waal hielemaol geine naam hóbbe. Woe geit dit verhaol eigelik euver? Hallo? Maog iech d'r noe oet? Iech wil heiversj! Hallo

Opgravinge
bee kestiël
Beusdael...
Kestiël
wellicht nóg
ouwer dan
gedach.....



...BEMELE KREIG SJTADSPARK !!

Veer höbbe d'r lang op moote wachte, en d'r is hiel gèt euver gediscussieerd/geawwehoord/gezeiverd (*doorsjtriepe wat neet van towpassing is*) , mèr in de loup van dit jaor zal 't d'r dan toch eindelijk van koome: Bemele kreig zien eige Sjtadspark/Dorpsgaard/Weike (*doorsjtriepe wat neet van towpassing is*) , op 'n sjtuk grond tusse de Zjembuurt/Fruitwei/Sjieke Wiek (*doorsjtriepe wat neet van towpassing is*) en 't sjaagveld van de roemruchte FC Bemele.


't Projèk (nummer 61-22018-HO-601) is inmiddels in de insjpraak gewaes, en daabee is zoväöl aafgesproke/oetgesproke /aangesproke (*doorsjtriepe wat neet van towpassing is*) dat eigelik niks/bienao niks/wienig (*doorsjtriepe wat neet van towpassing is*) 'n sjnelle oetveuring in de weeg sjteit. De iersjte sjöp kin de grond in, de iersjte sjtein kin gelag weure, d'n iersjte boum geplant en 't leent doorgeknip (neet noodzakelik in dees volgorde...).

Wat kinne de luuj van Bemele verwachte van hun nuuj aanwins? De redaksie van dees gezèt haet de planne in maoge zeen, en geluif ós: 't weurt sjiek. Um te beginne kome d'r vääöl fruitbuim. Veer kost neet precies zeen wélk fruit, en volges ós weurt dao auch nog euver oonderhandeld tösse de plannemakers en de umwoenende, woe-bee gekoze kin weure oet kieveersje, apple, paere, proeme, perzike, banane, appeleseene, eerbeize ('t soort wat aan buim greujt) en eikels (*doorsjtriepe wat neet van towpassing is*). Veer höbbe gehuurd dat de umwoenende aal höbbe laote weite dat ze gein eike in 't park wille ("Eikels höbbe veer al genoeg in Bemele") en leever auch gein proeme ("Dat bringk de jong luij mèr op rare gedachte..."). Auch kaom oet de buurt de vraog of in de planne 't kleinfruit neet vervange zouw kinne weure door groet fruit ("Dao deis-te langer mèt..."). De plannemakers deenke dat banane auch neet zoe'n good idee is. Behauve es 't rechte weure, want "de kromme höbbe veer in Bemele al lang..." In de planne is auch 'n zitplekje opgnome. Veur degene die neet wille zitte, weure speesjtaal sjtaonplaatse ingeriech. Op de vraog van umwoenende of d'r auch gedach is aan ligkplaatse, leete de plannemakers weite dat nog weurt bekeke of dao plek veur gemaak kin weure achter de hègk of oonder de brögk. Planne um speesjaal veur die brögk de Maas nao Beemele um te lègke, zeen aafgeweze nao felle tegesjtand

van Mestreech, dus oonder de brögk in 't Bemelse park blijf 't druug (behave es 't hiel lang regent) en gesjik veur twie, mesjiens drei ligkplaatse.

Wae zal dat allemaol betale? Dat is 'n gooj vraag. Veer weite 't neet precies, mèer nao 't sjeint haet de gemeente dao nog geld veur euver, umdat ze van mening is dat Bemele waal get extra greun kint gebruuke. En veur de rès weurt gezeuk nao sjponsors, beveurbeeld veur 't bijenstruweel en 't bloemenmengsel.

Veur de rij linde-buim die op de plankkaart ingeteikend zeen, hóbbe ze al eine sjponsor gevoonde. De buim zeen oet dankbaarheid nao häöm geneump: de Lei-bomen...



De ierste Lei-bomen zeen
aangeplant in 't Weike....



PASSIE FLORA
HOVENIERSBEDRIJF

PASSIE FLORA HOVENIERSBEDRIJF
Rijksweg 37 - 6325AA Berg en Terblijt

E-Mail: passieflora@zonnet.nl
Tel: 06 - 53 33 94 42

**.concept . uitvoering .
.onderhoud.**

Wij nodigen U uit voor een lekker hapje en drankje
Zonnig terras in prachtig wandel en fietsgebied



Engwegen2a
6305 PM Schin op Geul
043-4591389

HEIJNENS INSTALLATIES

P. Heijmans Installaties v.o.f.
Meesweg 17
6325 BE Berg en Terblijt
Tel: 043 - 60 80 377
Fax: 043 - 60 80 378
06 - 520 953 36 Pedro
06 - 506 331 38 Pascal
info@heijmans.nl
www.heijmans.nl



Grondwerkzaamheden.
't Rooth 8, 6269 NV Margraten
0434072993 0653940355
e-mail: mnijskens@home.nl



* Maastricht
* Bergerstraat
* T. +31 (0)43 363 55 66

A L E R E
HAIR & NAILS


FACE-IT
BEAUTY

Pastoor Brouwersstraat 18a
Margraten
www.faceitbeauty.nl

BĚRHUYNEN
TUIN • PARK • LANDBOUWTECHNIEK



Heij hoove veer zelf niks bee te bedeenke...



De Leugeneer.....

Veer probeere us eige redactieleden altied e bitsje te ontzeen in 't gezetsje, mer es de veurzitter van Bemelen 1000+ op vekansie geit en dan de vlag vergèt, tja dan vreugste d'r um....

Neet veur niks haet heer un jaorelange carriere achter de rugk bee De Leugeneer (oftewel dagblad de Limburger) en 't verzeuk um dan mer gouw eve un vlag in z'n hand te fotoshoppe waar dan ouch gouw gedoon. Dit reup netuurlik waal vraoge op bee al die sjtukskes in de krant van zien hand. Fake news of toch woer?

En dat book van Bemele dan? Besjtoon veer ech waal 1000 jaor? Veer beginne aan alles te twiefele.....

Unne gooje tip van os: loat uch in eeder geval noet zoe fotograferen want ze duije diech ech van alles in de han.....



Foto's Groete Zitting 2019





Boe is dat feeske....?



'Op 04 maart 2019 verjaart deze jongedame naar de respectabele leeftijd van 30. Lekker met de meiden proosten wij tijdens de carnaval een keertje extra op deze vrolijke fitgirl!'

